

玉機微義卷之四十五

黃疸門

發黃附

○諸經叙黃疸脉證

內經曰。溺黃赤安卧者黃疸

要略曰。寸口脉浮而緩。浮則爲風。緩則爲痺。痺非中風。四肢苦煩。脾色必黃。瘀熱以行。○尺脉浮爲傷腎。跌陽脉緊爲傷脾。風寒相搏。食穀即眩。穀食不消。胃中苦濁。濁氣下流。小便不通。陰被其寒。熱流膀胱。身體盡黃。名曰穀疸。○額上黑。微汗出。手足中熱。薄暮即發。膀胱急。小便不利。名曰女勞疸。○腹如水狀。心中懊懔而熱。不能食。時欲吐。名曰酒疸。多不治。

脉經曰。脉沉渴欲飲水。小便不利者皆發黃。九黃候其寸口脉近掌無脉。口鼻冷。並不可治。

○論五疸

陳無擇云。古方叙五種黃者。其實一病。立名異耳。如黃汗者。以胃爲脾表。屬陽明。陽明蓄熱。喜自汗。汗出因入水。中熱必鬱。故汗黃也。其候身體腫。發熱不渴。狀如風水。汗出染衣。色正黃。如栢汁。

黃疸者。由暴熱用冷水洗浴。熱留胃中。所致其候。身面眼悉黃。如金色。小便如黃蘗汁。

穀疸者。夫由肌發熱。大食傷胃。氣衝鬱所致。其候食

則腹滿。眩暈。穀氣不消。

云云見前

酒疸由大醉當風入水所致。唯酒變證最多。熱毒流于清氣道中。則眼黃鼻鼾。

女勞疸由大熱交接。竟入水。水流濕入于脾。因腎氣虛甚。以所勝剋入。致腎氣上行。故有額黑身黃之證。其間兼渴與腹脹者。並難治。發於陰必嘔。發於陽則振寒面微熱。雖本於胃氣鬱發土色上行。然發於脾則爲黃疸。發於腎則爲黑疸。若論所因。外則風寒暑濕。內則喜怒憂驚酒食房勞。三因悉備。世醫獨嚴於傷寒論中。不亦濫矣。

按以上五疸。與前要畧所具不同。宜兼考之。陳氏治例。未能以盡其變。推其病體究治。大抵以上五

疽形證已具無所隱兼證者黃汗黃疽穀疽誠以元氣脾胃之氣為主而治之形氣穀氣稍實者則可得而復矣酒疽則元氣胃氣殊已傷甚形氣孤危穀氣與藥雜進能有斷厚味而守藥得復生者則幾希矣女勞疽則陰陽之氣虛竭甚者爲難治陳云世醫獨嚴於傷寒而不及此此則亦非傷寒家法所可髣髴施治也

○論傷寒陽證發黃

保命集云凡發黃有六有畜血發黃邪熱傳於太陽之本小便先淋而黃其人暴狂內有血也爲太陽發黃本病也濕熱發黃太陰併陽明之本爲小便不利

風濕熱發黃併少陽也。寒濕發黃太陰併少陽也。結胸發黃下之早附太陽也。痞氣發黃附太陰也。凡六者各隨脉證標本而治之。大抵發黃從太陰陽明而論脾胃皆土也。故見黃色當從其脾病。色黃土氣化濕非濕毒何能發黃也。

○論陰證發黃

韓祇和云病人三五日服下藥太過虛其脾胃亡其津液渴飲水漿脾土爲陰濕加之與邪熱相會發黃此陰黃也。當以溫藥治之。如兩手脉沉細遲肢體逆冷皮膚有粟起或嘔吐舌上有胎遍身發黃煩躁欲於泥水中卧小便赤少皆陰候也。故陰黃多以熱湯

溫之。或湯漬布搭其胸腹。或以湯盛瓢中。坐於臍下。熨之。其病愈者。曾治趙顯宗病傷寒至六七日。因服下藥太過。致發黃。其脉沉細遲無力。皮膚涼。發躁欲於泥中卧。喘嘔。小便赤澀。先投茵陳橘皮湯。喘嘔止。次服小茵陳湯半劑。脉微出。不欲於泥中卧。次日又服茵陳附子湯半劑。四肢發熱。小便二三升。當日中午大汗而愈。似此治愈者。不一一錄。凡傷寒病黃。每遇太陽。或太陰。司天歲。若下之太過。往往變成陰黃。蓋辰戌太陽寒水。司天水來犯土。丑未太陰濕土。司天土氣不足。即脾胃虛弱。亦水來侵犯。多變此證也。

按以上論傷寒陰陽二證發黃。殆無餘蘊。大抵本

形氣虛實受證不同。用藥有汗下溫之禁。非若雜病之比也。我丹溪先生謂發黃如蠶麴相似。濕熱有微甚。及兼熱兼寒。瘀血所因不同。故治例不可不分。

○論內傷發黃

畧例云。內感傷寒。勞役形體。飲食失節。中州變寒之病生黃。非傷寒壞之而得。只用建中理中。大建中足矣。不必用茵陳也。

按此言內傷不足。故宜補益。惟其有餘新病。必須消導之久。病從穀疸施治可也。

○論發黃治例

難知云。色如熏黃。乃濕病也。一身盡痛。○色如橘子黃。乃黃病也。一身不痛。○乾黃燥也。小便自利。四肢不沉重。渴而引飲者。梔子蘘皮湯。○濕黃脾也。小便不利。四肢沉重。似渴不欲飲者。大茵陳湯。○若大便自利而黃者。茵陳梔子黃連三物湯。往來寒熱。一身盡黃者。小柴加梔子。

按一身盡痛而黃者。濕勝在表。也不痛者。病在裏也。乾燥者。熱勝也。故後證皆有表裏之分殊。東垣云。傷寒當汗不汗。即生黃邪。在表者宜急汗之。在裏之裏宜滲利之。在半表裏宜和解之。在裏者宜急下之。若以上諸證及畧例云。男黃小便自利。當

與虛勞小建中湯若黃色不變欲自利腹滿而喘不可除熱除熱必噦小半夏湯皆不必拘於茵陳也

黃疸治法

○升散之劑

金匱桂枝加黃芪湯治黃汗身腫汗出出已輒輕輕久必身潤胸中痛腰以下無汗腰臑弛痛如有物在皮中劇者不能食煩燥小便不利

桂枝

芍藥

各三錢

甘草

二錢

黃芪

五錢

水煎入薑棗服後仍飲熱粥助藥力

麻黃連翹赤小豆湯治身熱不去瘀熱在裏發黃小

便微利

麻黃

連翹各一兩

赤小豆一合

右咬咀作一服水煎

局方茵陳五苓散治傷寒或伏暑發黃小便不利煩渴

本方五分加茵陳十分

韓氏茵陳茯苓湯治發黃脉沉細數四肢冷小便澀

煩躁而渴

茯苓

桂枝

猪苓各一兩

滑石一兩半

茵陳一兩

右爲末每服半兩水煎服如脉未出加當歸

按以上方並太陽例藥也

○攻下之劑

金匱梔子大黃湯治酒疸心中懊懣或熱痛

梔子十四枚

大黃一兩

枳實五枚

豉一升

右水煎至二升分溫三服

大黃硝石湯治黃疸腹滿小便不利而赤自汗此表

秘裏實

大黃

黃柏

硝石各四兩

梔子十五枚

右水煎服如前法

硝石礬石散治女勞疸身黃額黑日晡發熱惡寒膀胱急小腹滿足下熱因作黑疸其腹滿如水狀大

便必黑時溲此女勞之病非水也

硝石

礬石各燒等分

右二味爲散以大麥粥汁和服二錢日三重衣覆取汗隨大小便去小便黃大便黑是其候也

半芰湯治酒疸身黃無熱言了了腹滿欲嘔心煩足熱或癥瘕心中懊懣其脉沉弦或緊細

半夏

茯苓

白朮

各三兩

前胡

枳殼炒

甘草

大戟

炒各二兩

黃芩

茵陳

當歸

各一兩

右咬咀每服四錢水煎入薑三片空心服

茵陳蒿湯治身熱鼻乾汗出陽上奔小便赤而不利

濕熱發黃

茵陳蒿六兩

梔子十四箇

大黃二兩

右三味每服一兩半水煎服

難知茵陳大黃湯治傷寒大熱發黃面目悉黃小便赤

茵陳蒿

梔子

柴胡

栝皮

黃芩

升麻

大黃炒各一兩

龍膽草半兩

右為粗末每服五錢水煎服

抵當湯治太陽傷寒頭痛身熱法當汗解反利小便熱痰在內則身黃脉沉少腹硬小便自利其人如狂者下焦有血也宜此湯主之

水蛭

蜚蠊 各十箇

大黃 一兩

桃仁 十二箇

右剉作一服。水煎食前服。

按以上並陽明經藥也。抵當湯厥陰藥。輕者桃仁承氣湯主之。

○和解之劑

小柴胡加梔子湯

按此手太陰足少陽藥也。

○治熱和中之劑

梔子栢皮湯治身熱不去。大便利而煩熱身黃者。

梔子

栢皮

黃連 各等分

右咬咀每服一兩水煎服。

寶鑑茯苓滲瀉湯治黃疸寒熱嘔吐而渴欲飲冷身體面目黃小便不利不得安卧不思食

白茯苓五分

澤瀉三分

茵陳六分

猪苓二錢

生黃芩

黃連

梔子

防已

白朮

蒼朮

陳皮

青皮

枳實各二分

右以咀作一服水煎空心服酒疸兼作左子服之
按此並太陽例藥

○溫中之劑

金匱小半夏湯治黃疸小便色不異欲利腹滿而喘

半夏湯泡七次

右以咀每服三五錢水煎入薑十片

韓氏茵陳橘皮湯治身黃脉沉細數熱而手足寒喘

嘔煩躁不渴者

茵陳

橘皮

生薑

各一兩

白朮

二錢五分

半夏

茯苓

各半兩

右為末水四升煮取二升放溫分作四服

按此並足陽明太陰藥也

小茵陳湯治發黃脉沉細遲四肢及遍身冷

附子

一箇作八片

甘草

炙一兩

茵陳

二兩

右為粗末用水二升煮一升溫作三服

茵陳四逆湯治發黃脉沉細遲肢體逆冷腰已上自